



## ATA OFISIAL DI RIUNION IBRIDU DI KUMITÉ SKULAR DI BOSTON

**kuarta-fera, 18 di otubru di 2023**

Kumité skular di Boston fazi un reunion ibridu na kuarta-fera, 18 di Otubru di 2023 pa 18:00 na Bruce C. Bolling Municipal Building, 2300 Washington Street, School Committee Chamber, Roxbury, Massachusetts. Riunion foi tanbe transmitidu en diretu [Boston City TV](#) y na Zoom. Pa más infurmasons sobri kualker un di kes iten na lista li di baxu, vizita [bostonpublicschools.org/schoolcommittee](http://bostonpublicschools.org/schoolcommittee), invia un email pa [esullivan3@bostonpublicschools.org](mailto:esullivan3@bostonpublicschools.org) kontakta Skritóriu di Kumité Skular di Boston através di numeru (617) 635-9014.

### PREZENZA

Menbrus di kumité skular Prezenti: Prizidenti Jeri Robinson; Visi-Prizidenti Michael D. O'Neill; Stephen Alkins; Brandon Cardet-Hernandez; Chantal Lima Barbosa; Quoc Tran; y Riprizentanti di Alunus Diego Meta.

Menbrus di Kumité skular ki falta: Ninhun

### DUKUMENTUS APREZENTADUS

#### [Ajenda](#)

Ata di Riunion: [4 di otubru di 2023](#); y [retiru di 5 di otubru di 2023](#)

[Atualizason di 1º Trimestri di Skolas di Transfurmason, Mimurandu di Anu Letivu 2023-2024](#)

[Atualizason di 1º Trimestri di Skolas di Transfurmason Diklarason di Inpaktu sobri Ikuidadi](#)

[Aprizentason di Atualizason di 1º Trimestri di Skolas di Transfurmason na PowerPoint](#)

[Mimurandu di Planu di Idukason Inkluzivu](#)

[Atualizason di Idukason Inkluzivu Diklarason di Inpaktu sobri Ikuidadi](#)

[Planu di Idukason Inkluzivu di Skolas Publiku di Boston](#)

[Aprizentason di Idukason Inkluzivu na PowerPoint](#)

## Runion Ibridu di kumité Skular di Boston

Bruce C. Bolling Municipal Building  
2300 Washington Street  
Sala di kumité skular  
Roxbury, MA 02119

*kuarta-fera, 18 di otubru di 2023*

### PIDIDU DI ORDÍ

Prizidenti Jeri Robinson konvoka un riunion y é lidera un juramentu di lieldadi E fla ma runion des noti staba ta ser transmitidu en diretu na Boston City TV y na Zoom Ta bai ser transmitidu otu bes y vidu ta bai ser publikadu na [bostonpublicschools.org/schoolcommittee](https://bostonpublicschools.org/schoolcommittee) y na YouTube. E anusiaba ma staba dispunivel virtualmenti sirvisus di interpretason simultânia na spanhol, kriolu haitiano, Kabuverdianu , vietnamita, kantonês, mandarim, e língua jestual merikanu (ASL). Dukumentus traduzidu di riunion foi publikadu na [bostonpublicschools.org/schoolcommittee](https://bostonpublicschools.org/schoolcommittee) antis di inisiu di riunion.

Superintendenti Skipper partilha alguns riflekson sobri terivel ataki di Hamas a povu di Israel y sobri gera y atual krizi umanitariu na Gaza. É riuni ku Superintendentis Skular Rijiunal y lidere skular pa diskuti rikursus pa alunu ki foi afetadu di várius manera y ki mesti di ajuda pa prusesa kel ki es sa ta odja y ta obi. Gabeti di Apoiu a Alunu distribui planus di aula rilevanti i adikuadu a idadi y otus rikursu pa djuda idukadoris, asistentis susial y otus funsiunáriu ta prumovi konprienson y ben-estar susial y imusiunal di alunu. Superintendenti fla ma nos tudu nu debi sta alerta pa un putensial aumentu di anti-semitismu y di islamofobia y ma BPS ka sta bai tulera kualker tipu di diskriminason. Gabeti di Ikuidadi sta prontu pa presta apoiu, si for nesesáriu, y é sa ta kunpanha di pertu kualker insidentis ki podi okori. É oferese pensamentus y orason pa tudu kes ki foi afetadu y ki sta sufri ku es viulensia y gera. É afirma apoiu di distritu a kumunidades skular.

### MENSON

Kumité y Superintendenti Skipper aprizenta un mension a Yvrose Bourdeau, profesora di dos lingua na Mattahunt Elementary School, ki foi risentimenti galarduadu ku Prémio Shattuck 2023 pa Boston Municipal Research Bureau.

### APRUVASON DI ATA DI RIUNION

**Aprovadu** – Kumité aprova, pa unanimidadi, ata di runion di Kumité skular di 4 di otubru di 2023 y di retiru di Kumité Skular di 5 di otubru di 2023.

### RILATÓRIU DI SUPERINTENDENTI

*Sima preparadu pa intrega.*

Obrigadu, Prizidenti Robinson, y boa noiti. Na sikuensia di dibati na retiru di Kumité Skular sobri riformulason di orden di trabadjus di riunion, n sa ta tenta bira rilatóriu di nha

## Runion Ibridu di kumité Skular di Boston

Bruce C. Bolling Municipal Building  
2300 Washington Street  
Sala di kumité skular  
Roxbury, MA 02119

### **kuarta-fera, 18 di otubru di 2023**

superintendenti más brevi. Rilatóriu di Superintendenti des noti ta inklui alguns atualizason rápidu y alguns pontu puzitivu. Brevimenti, nhu ta bai ten asesu a infurmason atualizadu sobri Skolas di Transfurmason y Idukason Inkluzivu.

N ta gostaba di kumesa pa informa menbrus ma nu sta na prusesu di rikolha di infurmasons ki menbrus di Kumité sulisita relativamenti a rikumendason di Forsa-Tarefa pa Skola di Izamis na sentidu di atribui pontus di bónus, a fin di garanti ma tudu menbrus y publiku ta ten kontestu stóriku y fundamentason di disizons pulitiku y di rikumendason na kel momentu. Nu ta spera ten es infurmason pruntu pa ser partilhadu antis di nos prósimu riunion y é ta bai inklui:

- Rizumu y krunograma di deliberasons di Forsa-Tarefa di Skola di Izamis antis di si rikumendason sobri atual pukitika di admison, inkluidu orijen y konsiderasons sobri pontus di bónus.
- Un krunograma di prusesu di admison pa familias, asin komu data ki menbrus di kumité skular podi spera risebi dadus relativu a konvitis y a rizultadus di alunus dipos di prósimu siklu di admison
- Y alguns dadu adisiunal pa rispondi a purguntas di menbrus di kumité sobri statutu di ikonomikamenti disfavoresidu y taxas di konviti, asin komu diferencial di pontus entri skolas di titulu I y skolas nau pertensenti a titulu I, asin komu purguntas sobri pontuason konpostu minimu pa nivel.

Si ki é stiver konkluidu, nu ta bai partilha-l ku Kumité y ku publiku.

Na sesta-fera, dia 13 di otubru, BPS aprizenta DESE nos mimurandu mensal di Dizenpenhu di Pontualidadi - o OTP - di transportis komu parti di Planu di Milhuria Sistémiku (SIP). Antis di kontabiliza kualker perkursus sen dadus GPS, dizenpenhu di pontualidadi di sitenbru foi u siginti:

- Di pal manhan, 84 pursentu di autokarus foi pontual, 96 pursentu di autokarus txiga 15 minutu dipos di oráriu previstu y 99 pursentu di autokarus txiga 30 minutu dipos di oráriu previstu
- Di tardi, 83 pursentu di autokarus foi pontual, 95 pursentu di autokarus txiga 15 minutu dipos di oráriu previstu y 98 pursentu di autokarus txiga 30 minutu dipos di oráriu previstu

Alen disu, 2.5 pursentu di viajens prugramadu pa parti di manhan y 2.4 pursentu di viajens prugramadu pa parti di tardi ka tinha dadus sobri ora di xegada. Na OTP kumunikadu a DESE, es viajens sen dadus foi kontabilizadu komu atrazadu - sima ten sidu prátika. Asi, dipos di kontabilizason di dadus en falta, dizenpenhu di pontualidadi di AM kumunikadu a DESE na sitenbru di 2023 foi di 81.8 pursentu. Dadus di més pasadu, en konparason ku sitenbru di 2022, ta dimonstra un prugresu signifikativu. Persentajen di dadus GPS en falta foi riduzidu na más di metadi – 5.8 pursentu na sitenbru di 2022 en konparason ku 2.5 pursentu na sitenbru di 2023. Dizenpenhu di pontualidadi kumunikadu a DESE aumenta tanbe signifikativamenti, di 76.4 pursentu na sitenbru pasadu pa 81.8 pursentu na sitenbru des anu.

## **Runion Ibridu di kumité Skular di Boston**

Bruce C. Bolling Municipal Building  
2300 Washington Street  
Sala di kumité skular  
Roxbury, MA 02119

***kuarta-fera, 18 di otubru di 2023***

Komu rizultadu di trabadju rializadu pa kontrata y forma kondutoris di autokaru pa volta ta ten pesual konpletu, ninhun viajen na sitenbru ka fika sen kubertura di kondutor. Un viajen di pal manhan y dos viajen di tardi na més di sitenbru ka foi ifetuadu dividu a un eru operasiunal. Kada un di kes kazu foi objektu di akunpanhamentu individual.

Pa ultimu, nu ta kontinua ta fazi grandis prugresu en matéria di munitoris di autokaru. Nu kumesa es anu letivu ku kuazi más 200 munitor di autokaru ki na anu pasadu. Nu implementa tanbe un novu mudelu di kubertura ki ta viza garanti prizensa di, pelu menus, un munitor na kada autokaru ki ta transporta alunus ku difisiensia. Nu kontinua ta konsentra na kontratasons y, atualmenti, nu ten más 65 kontratason pendentis di munitoris di autokaru, pa garanti ma nu ta satisfazi plenamenti tudu nesesidadis di alunus. N kré aplaudi trabadju árdu di ikipa di Transportis di BPS pa si inpenhu tatal na nos objetivus kumun y pa milhuria kontinu a midida ki nu ta trabadja pa atinji es objetivus.

N kré más un bes felisita profesora di Mattahunt Elementary School, Yvrose Bourdeau, pa si Prémium Shattuck 2023. Sra. Bourdeau ta da si kurason y alma a alunus y familias di Mattahunt tudu dia. Desdi organizason di grupus di leitura pa familias, aulas di Inglés pa adultus y paseius na Blue Hills ti intrega di mantimentus a familias, Sra. Bourdeau djuda ta kria kel kumunidade akulhidor ki Mattahunt é konxedu pa el.

Risentimenti, n tivi onra di djuda ta rializa un dizeju di William Gerald Chase, ki dexa Brighton High School na 1943 pa sirbi na Marinha di Stádus Unidu durante Sigundu Gera Mundial. Sr. Chase dexa skola artis di risebi si diploma. Grasas a pesoas atensiozu di BPS, sima direktor di Brighton High School, Andrew Bott, y menbrus di nos ikipas di ensinu sikundáriu, orientason y teknulujia, diploma di Sr. Chase foi el intregadu pa Kumisáriu di Servisus di Veteranus di sidadi, Roberto Santiago, y pa Prizidenti di Kamara Munisipal, Ed Flynn, anbus veteranus di Marinha. Nu sta txeu orgulhozu di Sr. Chase y stremamenti gratis pa si servisu. Ben-vindu a turma di 2023!

Na tersa-fera, dia 11 di otubru, Gabeti Sentral di BPS silebra Més di Eransa Spaniku ku kumida, muzika, oradoris konvidadu y un atason di dansa di Hyde Square Task Force ki ta inkluibu alunus di BPS. Konvidadus spesial inklui Prizidenti di Kumité Skular Robinson, y menbru Polanco Garcia, asin komu Veriadora Jeral di Sidadi di Boston, Julia Mejia.

Só pa lenbra ma keli é Més di Fakuldadi y di Karera di BPS. Partisipa ku nos na BPS Citywide College, Career, and STEM Fair na sábadu, 21 di outubru, di 10:00 ti 13:30, na Reggie Lewis Track and Athletic Center, na 1350 Tremont Street, na Roxbury.

Artis di nu termina, n ta gostaba di ralenbra vida y trabadju di antigu direktor di skola, profesor, adiministrador y furmador di BPS Michael Donato, ki dexa-nu pasadu. Sr. Donato ta bai ser lenbradu pa sis funson na antigus skolas sikundáriu Boston Tech y Roslindale y pa lideransa konstanti ki é izersi na Hyde Park High School durante krizi di autokarus. Más inpurtanti inda, o Sr. Donato ta bai ser lenbradu ku karinhu pa sis kolega y pa txeu, txeu alunus ki é orienta y é foi

## Runion Ibridu di kumité Skular di Boston

Bruce C. Bolling Municipal Building  
2300 Washington Street  
Sala di kumité skular  
Roxbury, MA 02119

### **kuarta-fera, 18 di otubru di 2023**

mentor au longu di si vida. Nu ta gradisi Sr. Donato pa si dedikason a nos alunos. Nos pensamentus sta ku si familia y amigus inkuantu nu ta silebra si vida.

N ta gostaba di dedika un mumentu pa-n diriji a alunos li prezenti es noti. Obrigadu pa nhos ter vindu tistimunha, spesialmenti na un noti di skola. Txeu di nhos sa ta tra un tenpu di nhos trabadjus di kaza y di otus responsabilidadi pa ben fala ku nos. N sabi ma nhos ta tensiona papia sobri kestons inpurtanti ki ta afeta nhos kumunidade skular. Nu sta li pa obi. Pa alunos di O'Bryant li prezenti es noti, n sabi ma ten otus konversa planiada ku pesual di distritu na prósimus semana, tantu pa vizita kanpus di West Roxbury Education Complex (WREC) komu pa kontinua es konversa. N ta spera obi nhos es noti y dipos di kes riunion. N sta orgulhozu di nhos sforsus di difeza. N ta bai sta senpri ta obi nhos y ta apoia nhos direitu di papia y di spresa. Keli ta konklui nha rilatóriu. Di volta pa nha, Senhora Prizidenti.

---

Dr. Alkins pidi infurmasons sobri inpaktu di prugramason di veron. Superintendenti fla ma é ta bai aprizenta infurmason na un mimurandu. Dr. Alkins purgunta modi ki BPS sa ta djuda alunos y idukadoris ta prusesa situason na Médiu Orienti. Superintendenti fla ma si ikipa sa ta trabadja ku lidere skular pa prupursiona alunos un séri di apoius, desdi rikursus dijital a asistentis susial.

Sr. O'Neill fla ma é ta aguarda ku spetativa dadus relativu a admisons na skolas di izami, partikularmenti diferensa di notas entri skolas ku Titulu Un y skolas sen Titulu Un en konparason ku valor arbitráriu ki tinha sidu silesiunadu inisialmenti. É sulisita un atualizason di dizenpenhu di transportis. Diretor di Transportis, Dan Rosengard, refiri ma dadus relativu a transportis ka ta sta finalizadu inkuantu BPS ka invia-s pa DESE, ma ti gosi, na otubru, BPS sta ku un média di 89% di pontualidadi di pal manhan y di 87% di tardi, antis di subtrai kualker GPS en falta. É afirma ma, es anu, BPS ka tevi problemas na asigura transporti pa dislokasons dispartivu y di studu, pamodi es ta dispoi di un numeru sufisienti di kondutoris. Sr. O'Neill ilujja antigu diretor di Hyde Park High School, Michael Donato, pa sis servisu a BPS.

Sra. Robinson purgunta si sa ta surji algun padron na dadus di dizenpenhu di transportis. Sr. Rosengard fla ma apizar di maior parti di autokarus atrazadu ser problemas pontul, ten un subkonjuntu di perkursus na undi sta identifikadu problemas di raís ki BPS ta trabadja ku Transdev pa rizolvi.

Sr. Cardet-Hernandez purgunta si prósimu mimurandu di admison a skolas di izami ta bai inklui algun rikumendason. Superintendenti fla ma mimurandu ta bai furnesi infurmasons stóriu, asin komu lójika pa ditrás di pulitika. Sr. Cardet-Hernandez purgunta si mimurandu ta bai aborda keston di sabi si distritu splora o sta bai splora si relason ku stadu pa permiti ki BPS ta risebi dadus sosioikunómiku adisiunal di alunos. Superintendenti fla ma es mimurandu spisifiku ka sta bai inklui es infurmason, ma ki distritu sta bai trabadja pa odja kuzé ki é pusivel.

## Runion Ibridu di kumité Skular di Boston

Bruce C. Bolling Municipal Building  
2300 Washington Street  
Sala di kumité skular  
Roxbury, MA 02119

### ***kuarta-fera, 18 di otubru di 2023***

Sr. Cardet-Hernandez sujiri pa painel di Avaliason di Kondisons di Instalasons (FCA) inklui más infurmasons sobri dadus ki sta na bazi di pontuasons y kal ki é avaliason di distritu sobri kes dadu. Superintendenti gradisi Sr. Cardet-Hernandez pa feedback y é fla ma ikipa ta bai furnesi más splikasons na site. Superintendenti sklaresi Sr. Cardet-Hernandez ma painel di FCA ta bai ser un di kes várius pesa ki ta sirbi di bazi a rubrika di tumada di disizons sobri instalasons. Sr. Tran pidi sklaresimentus sobri ki infurmasons ta bai ser inkluidu na mimurandu di admison di skolas di izami. Superintendenti fla ma mimurandu ta bai furnesi kontestu stóriku, asin komu dadus relativu a Titulu I.

***Aprovadu-*** Kumité aprova Rilatóriu di Superintendenti pa unanimidadi.

## KUMENTÁRIU DI PUBLIKU EN JERAL

Kes algen a sigir, tistimunha sobri pruposta di transferensia di John D. O’Bryant School of Math and Science pa uns instalason rinovadu na kanpus di West Roxbury Education Complex:

- Jayme Martin, rizidenti na Roxbury y alunu di O’Bryant School of Math and Science
- Arianny Ramos, rizidenti na Dorchester y alunu di O’Bryant School of Math and Science student
- Sara Blanco, rizidenti na East Boston y alunu di O’Bryant School of Math and Science
- Stiven Maldonado, rizidenti na Allston y alunu di O’Bryant School of Math and Science
- Mary Matero, rizidenti na West Roxbury y alunu di O’Bryant School of Math and Science
- Isabella Pedroza Muñoz, rizidenti na Mattapan y alunu di O’Bryant School of Math and Science
- Anissa Adeyanju, rizidenti na Dorchester y alunu di O’Bryant School of Math and Science
- Aliyah Mahmoud, rizidenti na Quincy y profesora di O’Bryant School of Math and Science
- Liza Cagua-McAllister, rizidenti na Roslindale y mai di O’Bryant School of Math and Science
- Dinah Shepherd, rizidenti na Jamaica Plain y mai di O’Bryant School of Math and Science
- Paulena Papagiannis, rizidenti na Somerville y profesora di O’Bryant School of Math and Science
- Aparna Lakshmi, rizidenti na Roslindale y profesora di O’Bryant School of Math and Science
- Krista McKee, rizidenti na Beacon Hill y mai di O’Bryant School of Math and Science
- Francis Pina, rizidenti na Malden y antigu alunu di O’Bryant School of Math and Science
- Kiesha Santana, rizidenti na Brighton y antigu alunu di O’Bryant School of Math and Science
- Gretchen Nash, rizidenti na West Roxbury y mai di O’Bryant School of Math and Science
- Valerie Copeland, rizidenti na Mattapan y antigu alunu di BPS

## Runion Ibridu di kumité Skular di Boston

Bruce C. Bolling Municipal Building  
2300 Washington Street  
Sala di kumité skular  
Roxbury, MA 02119

### ***kuarta-fera, 18 di otubru di 2023***

Kes algen a sigir, tistimunha ku priokupasons sobri atual pulitika di admison a skolas di izami:

- Elizabeth Nothnagle, rizidenti na Charlestown y alunu di BPS
- Grace Nothnagle, rizidenti na Charlestown y alunu di BPS
- Alana Susi, rizidenti na Charlestown y alunu di BPS
- Emmeline Knight Bairstow, rizidenti na South End y alunu di Eliot K-8 Innovation School
- Fallon Perez, rizidenti na North End y alunu di Eliot K-8 Innovation School
- Tatum Donovan, rizidenti na South Boston y alunu di Eliot K-8 Innovation School
- Isabel Gali, rizidenti na Charlestown y alunu di Eliot K-8 Innovation School
- Kathleen Chardavoynne, rizidenti na Charlestown y mai di Eliot K-8 Innovation School
- Monica Borgida, rizidenti na Charlestown y mai di Eliot K-8 Innovation School

John Mudd, rizidenti y difensor di Cambridge, tistimunha sobri Planu Stratéjiku di OMME y Planu di Idukason Inkluzivu.

## RILATÓRIUS

***Atualizason di Skolas di Transfurmason: 1º Trimestre, Anu Letivu 2023-2024*** - Diretor Izikutivu di Transfurmason Distrital y Skular, Mike Sabin, aprizenta primeru rilatóriu trimestral di 2023-24 sobri Skolas di Transfurmason di distritu, kunprindu un di rikizitus di Planu di Milhuria Sistémiku. Skolas di Transfurmason é skolas di BPS identifikadu pa Dipartamentu di Ensinu Báziku y Sikundáriu (DESE) di MA komu "ta mesti di asistensia o intervenson". Atualizason sentra na três árias priuritáriu di Planu Skular di Kualidadi (QSP) di Literasia Ikuitativu, Klima y Kultura, y Asiduidadi. Objetivu di distritu pa Skolas di Transfurmason é prumovi ikuidadi y ilimina disparidadis en termus di oportunitadis y di rizultadus, prestandu apoiu adisiunal a skolas di distritu ku dizenpenhu más baxu.

En konparason ku Skolas Nau-Transfurmador, Skolas di Transfurmason ten un maior persentajen di alunus ikunómikamenti disfavuresidu (85%); más alunus ku difisiensia (28%) y Alunus di Inglés (38%); un maior persentajen di alunus ku ilevadus nesetidadi (95.2%); y un maior prupurson di alunus Negru (36%) y Latinu (50%).

Prinsipal infurmason sobri dadas pa skolas di transfurmason na 2023 en konparason ku 2022:

- Maior krisimentu (SGP) na 3º-8º anu di Matimátika y ELA na MCAS di 2023
- Minor krisimentu (SGP) na 10º anu di Matimátika y ELA na MCAS di 2023
- Maior dizenpenhu na MCAS di 2023 (Pontuason en Skala) na Matimátika na tudu dos nivel y na ELA na ensinu sikundáriu
- Milhuria na krisimentu di Alunus di Inglés na ACCESS, ma minor persentajen di prugresus na ensinu sikundáriu
- Diminuison di fadjas króniku na tudu dos nível (ma inda txeu altu)

## Runion Ibridu di kumité Skular di Boston

Bruce C. Bolling Municipal Building  
2300 Washington Street  
Sala di kumité skular  
Roxbury, MA 02119

### **kuarta-fera, 18 di otubru di 2023**

Di 2022 a 2023, 15 Skolas di Transfurmason di BPS midjora sis persentil di risponsabilidadi statal, trés skola permanesi igual y 8 skola diminui.

Konkluzons baziadus na dadus:

- Ividensia di prugresus inisial - y, na alguns kazu, di prugresus signifikativu - na maiuria di Skolas di Transfurmason.
- Prova di ki skolas di transfurmason rejista mas midjoras na anu pasadu du ki skolas ki sta na persentil 11-20
- Sa ta manti inda fadjas grandi y di priokupason en termus di rezultadus sima urjensia di un midjora sileradu di dizenpenhu, di ivuluson y di prezensa

Prósimus pasus stratéjikus di resposta:

- Aumenta apoiu pedagójiku y operasional a nível rejional
- Intensifika orientason pedagójiku na skolas, apoius a prezensa y implementason di kuríkulu
- Alarga apoius a skolas na persentil 11-20

Ilementus-xavi di Stratéjia di Milhuria di Skola di Transfurmason di BPS:

- Apoiu Rijiunal: Apoiu prioritáriu di representantis rijional
- Planus Skular di Kualidadi Apoiu a dizenvolvimentu y implementason di QSP
- Lideransa di Prufesoris: Finansiamentu y apoiu a líderes di prufesoris y ikipas di lideransa pa lidera implimentason di QSP y akonpanhamentu di prugresus
- Observasons di Prátika: Observasons kontínus pa munitoriza itapas di ason di QSP, apoiu implementason di kuríkulu y alinha apoiu rijional
- Trenamentu Instrusional Coaching instrusional kontínu na skola
- Rikrutamentu y Kontratason: Apoiu diresonadu pa rekutamentu, lisensiamentu y kontratason
- Apoiu a Asiduidadi: Sforsus di kulaburason pa luta kontra falta króniku

NOVUS ILIMENTUS NA SY 2023-24:

- Kuadru distrital "spektativas universal" y "análisis di prugresus" pa reforsa planiamentu stratéjiku baziadu na skola y resposta a dadus di munitorizason di prugresus
- Apoius alargadu pa skolas na persentil 11-20
- Dizenvolvimentu di pulítka "Off Ramp" pa skolas ki sa ta mostra um midjora sustentadu

BPS dizigna \$10,792,482 dolars pa apoiu Skolas di Transfurmason SY 23-24.

Dr. Alkins purgunta Dr. Sabin pamodi ki nivel atual di apoiu ka sa ta funciona, partikularmenti pa alunus Negru en konparason ku otus subgrupu. Dr. Sabin observa ma alunus Negru dimonstra un krisimentu riduzidu na Matimátika, ma nau na Literasia. É fla ma si ikipa sa ta analiza dados pa skola y subgrupus tentandu atxa padrons. É afirma ma riduson di lakunas entri subgrupus é un priuridadi másimu.



## **Runion Ibridu di kumité Skular di Boston**

Bruce C. Bolling Municipal Building  
2300 Washington Street  
Sala di kumité skular  
Roxbury, MA 02119

***kuarta-fera, 18 di otubru di 2023***

Sra. Lima Barbosa sulisita más infurmasons sobri apoiu a asiduidadi. Dr. Sabin fla ma asiduidadi é un verdaderu dizafiu pa skolas di país interu y é diskrevi en purmenor aburdajen multifasetadu di distritu pa aumenta asiduidadi, desdi planus di milhuria di skola ti involvimentu. É afirma ma é ta bai fazeba akunpanhamentu di dadus spisifiku di skola.

Sr. Cardet-Hernandez reitera inpurtansia di Kumité risebi dadus spisifiku di skolas. Dr. Sabin konfirma ma atual nivel di krisimentu ka sa ta bai konduzi a riduson di lakunas di dizenpenhu. Sr. Cardet-Hernandez purgunta modi ki BPS sa ta utiliza fleksibilidadis di stadu y bons stratéjias di sistemas. Dr. Sabin splika ma Skolas di Transfurmason ten un altu nivel di fleksibilidadi y ma distritu sa ta trabadja ku skolas individualmenti pa maksimiza es fleksibilidadi y inova. BPS sa ta konsentra na riduso di rutatividadadi di profesorís y lidérés skular y na riforsu di ensinu pa asilera krisimentu. Dr. Sabin afirma ma distritu sta na prusesu di identifika alavankas di mudança más puderozu, sentrandu simultaniamenti na un kurikulu di ilevadu kualidadi ministradu pa instrutoris kompetenti y na apoiu di furmason. Superintendenti papia sobri inpurtansia di manti apoiu a skolas ki ta sai di statutu di rikuperason y di alarga apoius a skolas na persentis 11-20. Sr. Cardet-Hernandez insentiva distritu a splora si skolas ku maior fleksibilidadi sa ta asilera prugresu y, kazu afirmativu, a konsidera spandi es fleksibilidadis pa otus skolas. Superintendente afirma ma idukason inkluzivu ta bai djuda skolas y é konkorda ma distritu divia djudaba skolas ta maksimiza alavankas pa impulsiona prugresu.

Sr. O'Neill purgunta Superintendenti kuzé ki sa ta funsiona y kuzé ki ta priokupa-l. Superintendenti fla ma é sta priokupadu ku lentu rikuperason di pandimia en jeral. É splika ma distritu sa ta trabadja pa distritaliza tudu sistema di un forma puzitivu y identifika intervensions ki devi ser más alavankadu. Sr. O'Neill ilujia Superintendenti pa si aburdajen proativu di apoiu a skolas.

Sra. Robinson purgunta si apoius adisiunal prestadu a Skolas di Transfurmason divia ser permanenti. Dr. Sabin papia sobri inpaktu ki profesorís di altu kualidadi ten na aprendizajen di alunus. É fla ma Skolas di Transfurmason ten tendensia a rijista un maior rutatividadadi di profesorís en relason a skolas nau transfurmador, u ki ten un inpaktu nigativu na alunus. Distritu sa ta trabadja na sentidu di midjora rikrutamentu y furmason pa tenta poi termu a es rutatividadadi.

Sr. Mehta purgunta modi ki BPS sa ta kulabora ku organizasons sen fins lukrativu pa putensia rikursus. Superintendenti afirma ma BPS sa ta trabadja na stratéjias pa mubiliza rikursus di sidadi interu pa apoia skolas. Skolas sentral é un izenplu di kes parseria.

Sr. Cardet-Hernandez purgunta modi ki BPS sa ta utiliza inuvasons y fleksibilidadis na skolas ku maioris nesesidadi. Superintendenti afirma ma distritu sa ta utiliza várius stratéjias, sima trabadja pa kontrata más pesual bilingi y dizenvolvi prugramas di furmason di profesorís ku graduados di BPS. Sr. Cardet-Hernandez insentiva distritu a konsidera stratéjias kreativu, sima paga profesorís ki ta trabadja na skolas ku grandis nesesidadi, más txeu, pamodi é un trabadju más kompleksu. Sr. Cardet-Hernandez purgunta modi ki dadus di transfurmason ta inkuadra na konversa más

## **Runion Ibridu di kumité Skular di Boston**

Bruce C. Bolling Municipal Building  
2300 Washington Street  
Sala di kumité skular  
Roxbury, MA 02119

### ***kuarta-fera, 18 di otubru di 2023***

alargadu sobri Green New Deal. Superintendenti afirma ma kela era un di várius fator a ten en konta.

Dr. Alkins purgunta modi ki lidere skular podi avalia profesorís pa sertifika ma es kes más adikuadu pa un sala di aula. Dr. Sabin fla ma ikipas rijiunal ta rializa observasons di instruson komu un pesa fundamental di stratéjia di apoio skular di distritu.

***Idukason Inkluzivu*** - Superintendenti Adjuntu Senior di Asuntus Akadémiku Linda Chen y Xefi di Servisus Especializadu Kay Seale aprizenta Planu di Idukason Inkluzivu di Skolas Publiku di Boston, ki foi submetidu na inisiu des més a Dipartamentu di Ensinu Báziku y Sikundáriu di Massachusetts (DESE) komu parti di Planu di Milhuria Sistémiku. Dr. Chen y Sra. Seale djunta ku ko-aprezentadoris Carolina Armstrong, Visi-Xefi di Instruson, Gabeti di Idukason Multilingi y Multikultural, Dr. Lesley Miller, Xefi di Ensinu y Aprendizajen, y Dr. Drew Echelson, Xefi di Skolas y Risponsabilizason.

Planu ta difini mudansas sistémiku na tudu divizons di BPS pa kulmata lakunas di oportunitadís y da tudu alunus asesu a un ensinu rigurozu y kulturalmenti afirmativu. Planu ta sentra spisifikamenti na alunus multilingi, alunus ku difisiensia y alunus multilingi ku difisiensia y na nos alunus Negru y Latinu ki, stórikamenti, ten sidu mal servidu. Es planu ta bai pa alen di difinison restritu di inkluzon, ki normalmenti ta rifiri a alunus ku difisiensia. Implementason kompletu di planu ta bai ser un sforsu plurianual ku inpaktus a nivel di sala di aula, di skola y di distritu.

Idukason inkluzivu ta iziji ki tudu alunus ta risebi kursus rigurozu y di altu kualidadi pa es podi ser dizafiadu na sala di aula, ku apoio diresiunadu ku bazi na sis nivel di nesesidadi. Planu ta diskrevi forma komu distritu ta bai furnesi novus rikursu, pesual y apoio pa transforma ensinu na sala di aula. Es Planu di Idukason Inkluzivu ta bai transforma rizultadus di aprendizajen di tudu alunus, difendendu direitu di kada alunu a ser idukadu nun ambienti menus restritivu.

Planu ta kumesa pa rikunhesi stória di Distritu, ki sta inraizadu na disparidadís rasial sistémiku ki, storikamenti, ten limitadu asesu ikuitativu y rizultados di diterminadus grupu di alunus. Es stória y prátikas atual leba a ki Alunus Negru di seksu maskulinu ta ten trés ves más prubabilidadi di es ser identifikadu ku un difisiensia imusiunal y di es ser dispruprusiunalmenti kulokadu na un ambienti substansialmenti siparadu du ki sis kolega, y Alunus Multilingi ten dos ves y meu más prubabilidadi di es ser identifikadu ku un difisiensia di kumunikason y di es ser dispruprusiunalmenti kulokadu na un ambienti substansialmenti siparadu. Planu di Idukason Inkluzivu ta viza garanti ma alunus ka ta ser siparadu di sis kolega y, en ves di kela, é ta oferesi apoio spesializadu adisiunal na salas di aula inkluzivu. Através di prestason di un konjuntu kompletu di servisus, BPS ta bai garanti ma tudu alunus y tudu familias ta ten asesu a un spériensia akadémiku di altu kualidadi pertu di kaza, independentementi di lingua o di difisiensia.

Investigason akadémiku ta mostra ma alunus ku difisiensia, inkluindu alunus multilingi, ki ta ser idukadu na ambientes inkluzivu ta ten midjoris rizultadu akadémiku na skola y midjoris rizultadu a nivel di pós-graduason. Rizultadus di investigason tanbe ta indika ma alunus sen difisiensia ki

## Runion Ibridu di kumité Skular di Boston

Bruce C. Bolling Municipal Building  
2300 Washington Street  
Sala di kumité skular  
Roxbury, MA 02119

### ***kuarta-fera, 18 di otubru di 2023***

ta ser idukadu juntamenti ku alunus ku difisiensia ka ta sufri kualker ifeitu o es ta sufri ifeitus puzitivu na sis dizenvolvimentu akadémiku.

Rilatóriu di 2023 di DESE Muniturizason Fokadu pa Niveis konklui ma alguns alunus xinti izuladu pamodi es ka ten opurtunidadis di interaji ku sis kolega y di aprendi djuntu ku alunus ki ka ten u mesmu orijen linguistiku y kultural ki es. Rilatóriu ta afirma "Alen disu, alguns alunus na programas SEI "lingua spisifiku" o "multilingi" partilha, duranti grupus di diskuson, ma es ta xinti izuladu nes programas li, pamo es ka ten opurtunidadadi di interaji ku sis kolega ki ta papia Inglés y di aprendi djuntu ku alunus ki ka ten u mesmu orijen linguistiku y kultural ki es. Alguns alunus tanbe partilha ma es ta xinti ma kel strutura li ta difikulta-s sis dizenvolvimentu di Lingua Ingleza y é ta kontinua ta difikulta sentimentu di pertensa, mesmu ora kes sai di kes aula."

Planu di Idukason Inkluzivu ta buska aumenta sentimentu di pertensa di tudu alunus na sis kumunidadadi skular, dandu tudu alunus opurtunidadadi di aprendi na un ambienti menus restritivu, ku apoius adikuadu.

Planu di Idukason Inkluzivu ta difini kuartu grandi mudansas na prátikas ki BPS debi ifetua pa garanti ma tudu skolas di BPS ta presta un kontinuidadi di servisus pa BPS podi ser un distritu ki ta atendi a nesesidadis di tudu alunus:

#### **1. Aprendizajen a nivel di anu skular y matiriais didátiku di altu kualidadi**

Planu di Idukason Inkluzivu ta garanti ma tudu alunus ta bai ten asesu a matirial rigurozu a nivel di anu skular. Asesu a lingua maternu ta bai sta dispunivel através di paraprufisiunais bilingi ku furmason, di matiriais didátiku trans-adaptadu y di utilizason stratéjiku di lingua maternu pa profesor di Inglés komu Sigundu Lingua (ESL) na sala di aula. Alunus ku difisiensia ta bai ten asesu aun ensinu spesialmenti konsebidu, garantindu asesu a kurikulumu di nivel skular y a opurtunidadis di aprendizajen. Tudud alunus ta bai risebi es padron di idukason rigurozu y kulturalmenti afirmativu. Pa alkansa es reforma a nivel distrital, BPS ta bai asigura ma tudu skolas ta sta ikipadu ku matiriais di ensinu di altu kualidadi, ma idukadoris y pesual ta bai risebi dizenvolvimentu profusiunal adisiunal y struturas di apoiu, y distritu ta bai kontinua ta asilera si stratéjia di literasia ikuitativu.

#### **2. Prestason inkluzivu di intervensons, apoius y servisus**

Planu di Idukason Inkluzivu ta buska garanti ma alunus ta ten asesu a intervensons pa niveis pa apoia sis asesu a kontiudus di nivel skular. Alunus multilingi debi ten asesu a ensinu di Inglés komu Sigundu Lingua (ESL) y a rikursus di lingua maternu pa apoia sis aprendizajen, y alunus ku difisiensia debi ten asesu a apoius spesializadu a fin di es podi pruspera na un ambienti inkluzivu juntamenti ku sis kolega. Alunus multilingi só ta bai ser siparadu pa risebi instruson diretu di ESL ki ka ta podi ser risebedu di otu manera na sis turma. BPS ta bai tanbe dizenvolvi módulus di furmason y orientason pa garanti ma planus di idukason Individualizadu (IEPs) pa alunus ku difisiensia ta ser kuantitativu y kualitativu na dizenvolvimentu, adaptadus a rikursus y nesesidadis individual di kada alunu. Dizenvolvimentu y muniturizason di IEP ku bazi na dadus é isensial pa inverti

## Runion Ibridu di kumité Skular di Boston

Bruce C. Bolling Municipal Building  
2300 Washington Street  
Sala di kumité skular  
Roxbury, MA 02119

### ***kuarta-fera, 18 di otubru di 2023***

identifikason isesivu di alunus Negru y Mestisu y di alunus multilingi, ki kuloka-s di forma disrupsiunadu na ambientis substansialmenti siparadu. Pa kela, salas di aula di ensinu jeral ta bai ser strukturadu di modu a apoia várius mudelu di ensinu y aprendizajen. Planus di pesual ta bai pasa di mudelus individual fiksi, baziadus na sala di aula ku un só profesor, pa ikipas más fleksivel y ajil ki ta apoia kada alunu na asesu a aprendizajen anivel di anu skular.

### **3. Planiamentu y kulaburason en ikipa**

BPS ta bai prumovi planiamentu y kulaburason en ikipa pa kultiva un risponsabilidadi kuletivu pa tudu alunus di kumunidade skular. Dizenvolvimentu profisiunal spisifiku ta bai riforsa kapasidadi internu di skolas y di ikipas di lideransa pa konsebi y kria di forma intensiunal, opurtunidadis pa alunus ser idukadu na ambientis alinhadu ku sis servisus IEP y nesetidadi di dizenvolvimentu di Lingua Ingleza. Antis di siklu orsamental SY24-25, Ikipas di Planiamentu di Inkluzon na kada skola sta aktualmenti ta trabadja pa identifika, fazi un mapa y analiza atual prestason di servisus pa alunus ku difisiensia y alunus multilingi y fazi rikumendason pa rialinhamentu di rikursus pa implementason a nivel di skola.

### **4. Redifini sistemas distrital di apoio y risponsabilizason**

Implementason ifetivu ta bai iziji dizafius operasiunal a nivel distrital pa apoia midjor kada kumunidade skular, inkluindu orsamentason stratéjiku, afetason di pesual y planiamentu di spasus. Es mudansas ta bai permiti, en ultimu análizi, prupursiona un konjuntu konpletu di servisus dentu di kada kumunidade skular, garantindu ma tudu alunus y familias ta ten asesu a speriensia akadémiku di altu kualidadi pertu di kaza. Es mudansas sistémiku ta bai ser implementadu gradualmenti au longu di un periodu di várius anu. Planiamentu dja kumesa na tudu skolas y mudansas struktural ta bai ser implementadu na diterminadus nivel di ensinu, na tudu skolas, a partir di SY24-25.

Planu di Idukason Inkluzivu ta bai ser planiada y implementadu au longu di prósimus sinku anu letivu.

Superintendenti gradisi Visi-Xefi di Servisus y Apoio di Gabeti di Servisus Spesializadu, Olga Garriga, Visi-Xefi di Servisus Spesial, Lauren Viviani, y Visi-Xefi di Operason y Risponsabilidadi di Gabeti di Idukason Multilingi y Multikultural, Brittany Baggett, pa sis trabadju na Planu di Idukason Inkluzivu.

Sra. Polanco Garcia fla ma el é un izenplu di inkluzon y ma é ta gusta di ser kuprimentadu na si lingua maternu. É manifesta si priokupason pa faktu di alunus ku profisiensia limitadu na Inglés ser kulokadu na salas di aula ku alunus ki ta papia Inglés. Dr. Chen splika modi ki distritu sa ta utiliza pesual stratéjiku pa apoia grandis konsentrason di alunus ki ta papia u mesmu lingua. É afirma konprumisu di distritu ku ensinu di lingua maternu. Sra. Armstrong diskrevi en purmenor servisus konplementar ki BPS ta presta alunus risen-txigadu na país, inkluindu asesu a lingua

## Runion Ibridu di kumité Skular di Boston

Bruce C. Bolling Municipal Building  
2300 Washington Street  
Sala di kumité skular  
Roxbury, MA 02119

### ***kuarta-fera, 18 di otubru di 2023***

maternu. Sra. Polanco Garcia purgunta si BPS ta konsidera kriason di un kumison internu pa avalia nesetidadi di kada skola.

Dr. Alkins purgunta sobri stratéjias di distritu en termus di pesual pa apoia alunus multilingi y kuandu ki é supostu rizultadus di alunus midjora. Dr. Chen fla ma distritu sa ta splora pusibilidadadi di insentiva kontratason di pesual na árias ku grandis nesetidadi. Sra. Seale papia sobri inpurtansia di kapasita familias y inxina alunus auto-difeza.

Sr. Tran fazi purguntas sobri ikuidadi na prusesu di kulokason di alunus, sertifikason y kompetensia di profesor, inkurpurason di kontributus di familia y filuzufia di distritu y aplikason di akizison di linguas. Dr. Chen konkordou na da rispostas sigimentu.

Sra. Lima Barboa manifesta si apoia a idukason inkluzivu pa alunus multilingi, afirmandu ma alunus di oji ta ten kontaktu ku Inglés através di txeu plataformas dijital. É purgunta modi ki distritu sa ta pensa utiliza teknulujia pa apoia idukason inkluzivu. Dr. Chen ta bai akunpanha asuntu.

Sr. Cardet-Hernandez purgunta sobri metas pa rizultadus di alunus. Dr. Chen fla ma susesu di planu debi ser mididu en termus di taxas di krisimentu. É fla ma ikipa ka dizenvolvi métricas siparadu pamodi planu é trabadju di tudu distritu. É afirma ma distritu ta bai ditermina un métrika pa fazi rastreiu di konsentrasons ilevadu di alunus ku difisiensia y di alunus na kulokasons substansialmenti siparadu na skolas spisifiku. Sr. Cardet-Hernandez pidi más infurmasons sobri rikolha di dadus na rivizons trimestral sobri forma modi ki kes infurmasons ta ser partilhadu ku familias. Dr. Chen fla ma alguns di kes rivizon trimestral ta ser ifetuadu di pontu di vista di Planus Skular di Kualidadi ki é partilhadu ku DESE y ki sta dispunivel pa publiku. BPS tanbe ta invia rilatórius pa Dipartamentu di Justisa sobri si konfirmidadi en relason a alunus multilingi. É afirma konpromisu di distritu na alarga prusesu di skodja di skola pa alunus multilingi y pa alunus ku difisiensia. Sr. Cardet-Hernandez purgunta modi ki susesu ta bai ser, modi ki skolas plania idukason inkluzivu, ilementos nau nigusiável di distritu y mudelus di iselensia. Dr. Chen fla ma kel ki ka é nigusiável é risponsabilidadis di distritu, na termus di regulamentus statal y federal, di iduka alunus na ambientis menus restritivu. É sita Higginson K0-2 School komu un mudelu di iselensia pa inkluzon. Dr. Chen ta bai da sigimentu a prusesu ku infurmasons adisiunal.

Sr. O'Neill ralenbra trabadju di Forsa Tarefa pa Inkluzon di Kumité Skular na 2014-2015. É purgunta modi ki distritu sa ta trabadja pa garanti ma ta izisti kulaburason a tudu niveis pa inkluzon podi funsiona adikuadamenti. Dr. Chen fla ma inbora ta izisti un variabilidadadi di priparason entri skolas y entri lidere skular, distritu sa ta fazi trabadju di planiamentu y ta poi en prátika apoius adikuadu pa idukason inkluzivu a nivel distrital ser ben susedidu. Sr. O'Neill sulisita un atualizason sobri atrazus na IEPs y kestons di transportis pa alunus ku difisiensia. Sra. Seale fla ma kes keston é prinsipal priuridadi. Si ikipa sa ta trabadja nun stretu kulaburason ku DESE pa kunpri tudu rikizitus a tenpu. Sr. O'Neill purgunta modi ki skolas sa ta komunika ku familias sobri es mudansas y valor di idukason inkluzivu. Dr. Chen fla ma kada skola ta difini un vizon y ten riprezentason di pais na ikipa di planiamentu inkluzivu. Skolas ta komunika dipos ku

## Runion Ibridu di kumité Skular di Boston

Bruce C. Bolling Municipal Building  
2300 Washington Street  
Sala di kumité skular  
Roxbury, MA 02119

### ***kuarta-fera, 18 di otubru di 2023***

kumunidadi alargadu. Ikipa sentral sa ta trabadja ku Konselhu Konsultivu di Pais di Idukason Spesialdi Boston (SPED PAC) pa komunika ku familias sobri es mudansas. BPS ta bai rializa sesons di auskultason y fóruns pa nos familias, a fin di involve-s verdaderamenti na planiamentu ya n implementason.

Sra. Robinson pidi ikipa pa daba sigimentu ku más infurmasons sobri involvimentu di distritu ku familias di alunus multilingi y pesual di skola.

Sr. Cardet-Hernandez purgunta sobri implikasons orsamental di spanson di idukason inkluzivu. Superintendenti fla ma un ikipa multifunsiunal sta konstantimenti ta riuni na sentidu di utiliza rikursus di manera diferenti pa apoia es trabadju.

## KUMENTÁRIUS DI PUBLIKU (*KONTINUASON*)

Ann Chinchilla DeGeorge, rizidenti na Roxbury y mai di Boston Latin Academy, tistimunha sobri apoju a alunus ku planus 504, involvimentu di pais y pruposta di mudansa pa O’Bryant School.

Ruby Reyes, rizidenti na Dorchester y direktora izekutiva di Boston Education Justice Alliance, tistimunha sobri involvimentu di kumunidadi.

Vernee Wilkinson, nau rizidenti na Boston, menbru di Konselhu Konsultivu di Familia di SchoolFacts Boston, tistimunha sobri involvimentu di familia.

Kim Emery, rizidenti na West Roxbury y pai di Boston Latin Academy, tistimunha sobri apoju a alunus ku difisiensia.

Jeanie Gorlovsky-Schepp, rizidenti na South End y mai di Boston Latin School, tistimunha sobri falta di komunikason di BPS en relason a apoju a alunus y a antisemitismu/islamofubia.

Deirdre Manning, rizidenti na Dorchester y mai di Murphy K-8 School y di un skola autónomu, tistimunha ku priokupasons sobri atual pulitika di admison a skolas di izami.

## NOVU NEGOSIU

Ninhun.

## ADIAMENTU

***Aprovadu*** - Pa volta di 22:58, Kumité aprova pa unanimidadi un pruposta di inseramentu di riunion.

**Runion Ibridu di kumité Skular di Boston**

Bruce C. Bolling Municipal Building  
2300 Washington Street  
Sala di kumité skular  
Roxbury, MA 02119

***kuarta-fera, 18 di otubru di 2023***

Atestadu:



Elizabeth Sullivan  
Sikretária Izekutiva